



Inatsisartunut ilaasortaq  
Aslak W. Jensen, Siumut

### § 37 naapertorlugu apeqquteqaammut nr. 047-2021-ESU-mit aningaasaliisarnermut tunngasumut akissut

Ulloq: 31-05-2021  
Suliap normua: 2021 - 10285  
Suliassap  
immikkortitaamerani nr.:  
16901570

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

Inatsisartut suleriesissaani § 37, imm. 1 naapertorlugu, Naalakkersuisunut qaleranniarnermi aalisariutit angissusaannik uuttortasarnermut tunngassutilimmik apeqquteqaammik nassitsisimavutit. Tamannalu apeqqut uanga oqartussaaffigisannut akisassanngorlugu ingerlateqqinneqarsimavoq.

*1. Qaleralinniarnermi aqutsiveqarfimmi 47-imi angallatit 15 miiteri ataallugu takissusillit brottoregister tons aalajangersimasoq qaangeraangassuk akuersissummik tunineqarsinnaajunnaartarnerannut suna pissutaava?*

#### **Akissut**

Aalisarnerup ingerlannerata nakkutiginerani sinaakktassiat pingaarutillit arlallit tunaartarineqarput, tassaniippullu aamma angallatip takissusaa, oqimaassusaa motoriatalu sakkortussusaa. Nalinginnaasuuvorlu sinaakktat tamakkaa ataqatigiissaarlugit atorneqartarneri, tamanna sinaakktassanik allannguinnginnissamik tunngaveqarpoq (soorlu takissutsit), taamatullu sinaakutassap aamma allap annertusinissaanik (soorlu motorip sakkortussisissaa) naaperiasinnaanissamik aallaaveqarpoq.

Aqutsiveqarfik 47-mi sinerissap qanittuani qaleralinniarsinnaanissaq Namminersorlutik Oqartussat nalunaarutaanni nr. 46 decemberip 14-niani 2020-imeersumi sinerissap qanittuani qaleralinnermi, § 3-mi, killilersugaavoq.

§ 3 marlunngorlugu avitaavoq. Immikkoortup siullip annerpaamik 15 meterinik takissusiliineruvoq. (Angallatip takissusaa tamarluinnarmi) Immikkoortup aappaa erseqqissaaneruvoq, angallatit 19,99BRT/31,99 BT-inik oqimaannerunngitsut aammalu aqutsisoqarfimmi Upernavimmi, Uummannami aammalu Qeqertarsuup tunuani ukiup aalisarfiusup siuliani akuersissummik peqareersimasut, aqutsisoqarfimmi akuersissummik tunineqaqqissinnaanerininik imaqqarpoq.

Tassa imaappoq:

1. Angallatit takissusaannik, ukiup siuliani aalisarfiusumi akuersissummik peqareersunut, takissutsimik killigititaqartoqanngilaq, piunasaqaataaginnarporlu oqaatigineqartutut, 19,99 BRT/31,99 BT qummut qaangerneqassanngitsut.
2. Oqimaassutsinik killigititaqartoqanngilaq, piunasaqaataavorli angallatip takissusaa 15 meterinit annertunerussanngitsoq (tamavimmi takissusaa).

Tamannalu aqutsiveqarfimmi pineqartumi taamaallaat atuuppoq, taamaattorli nalinginnaasumik annerpaaffissaa killeqarpoq 75 BRT / 120 BT.

2. Naalackersuisut piunasaqaatinik allannguinnissamik, aalisartut inuusuttunut angallatigissaasinnaanissaaq periarfissinniarlugu, piunassuseqarpat?

***Akissut***

Naalackersuisut Aalisarneq pillugu inatsimmut allannguutaasussamut sammisaq ilanngullugu nalilersuiffigissavaat aamma allannguuteqartitsineri malitsigisaanik nalunaarutit allanngornissaannut tassunga ilanngullugu, Aalisarnermik Ataatsimiititaliarsuup suliaasa naammassinissaat, tassani aamma sammineqarpoq aalisartut inuusuttut qanoq isillutik aallartisarsinnaanerannut apeqqutit.

3. *Naalackersuisut qanoq pilersaarutigaat?*

***Akissut***

Akissut apeqqutit aappaata akineqarneranut innersuussutigivara.

4. Qaleralinniarnermi akuersissummik tunniussinermi angallatip takissusaa imaluunniit bruttoregister tons atorneqartassanersoq Naalackersuisut Namminersorlutik oqartussat nalunaarutaatigut allanngortitsinissaminnik pilersaaruteqarpat?

***Akissut***

Pissusissamisoortutut isigineqaraluarpoq, oqimaassutsip aallavigisarnera takissutsimik uuttuisarnermut allanngortinneqarnissaa (angallatip tamavimmi takissusaa), tamannami naleqqunnerusutut isigineqaraluarpat. Nalinginnaasuuvoq angallatit 31,99 tonsimik oqimaassusillit 15 metererpiaat missaanik takissuseqartarnerat, tamannali misissueqqissaarnermik tunngavilerneqartariaqarpoq. Ilangullugu akissut apeqqutit aappaata akineqarneranut innersuussutigissavara.

Inussiarnersumik inuulluaqqusillunga

A handwritten signature in blue ink, appearing to read 'Aqqaluaq B. Egede', is written over the printed name.

Aqqaluaq B. Egede

Aalisarnermut Piniarnermullu Naalakkersuisoq